

ՈՒՂԵՑՈՒՅՑ

ՀՀ ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ 2025-2026 ՈՒՍՈՒՄՆԱԿԱՆ ՏԱՐՎԱ «ՆԱԽՆԱԿԱՆ ԶԻՆՎՈՐԱԿԱՆ ՊԱՏՐԱՍՏՈՒԹՅՈՒՆ» ԱՌԱՐԿԱՅԱԿԱՆ ՕԼԻՄՊԻԱԴԱՅԻ ԴՊՐՈՑԱԿԱՆ ԵՎ ՄԱՐԶԱՅԻՆ ՓՈԽԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ

1. «Նախնական զինվորական պատրաստության» առարկայական օլիմպիադան (այսուհետ՝ օլիմպիադա) կազմակերպվում և անցկացվում է 3 փուլով՝ առաջին (դպրոցական), երկրորդ (մարզային) և երրորդ (հանրապետական):

2. Օլիմպիադան անցկացվում է ըստ խմբերի: 1-ին խումբ՝ 9-րդ դասարան, 2-րդ խումբ՝ 10-րդ դասարան, 3-րդ խումբ՝ 11-12-րդ դասարաններ:

3. Օլիմպիադայի երեք փուլերի թեստային առաջադրանքները կազմում է հանրապետական հանձնաժողովը:

4. Օլիմպիադան կազմակերպելու և անցկացնելու համար դպրոցի տնօրենի հրամանով ձևավորվում է հանձնաժողով, որի կազմում ընդգրկվում են ուսումնական հաստատության ուսումնական գծով փոխտնօրենը, տվյալ մեթոդական մասնախմբի նախագահը, զինղեկը, ֆիզիկական կուլտուրայի ուսուցիչ/ներ/ը և տվյալ մասնախմբի մյուս անդամները:

5. Թեստային առաջադրանքների կազմակերպման և անցկացման համար ուսումնական հաստատության տնօրենի հրամանով ձևավորվում է հանձնաժողով, որի կազմում չի կարող ընդգրկվել ՆԶՊ առարկայի մասնագետ/ներ/:

6. Մրցաձևերի անցկացման համար հանձնաժողովի կողմից կարող են հրավիրվել մրցավարներ:

7. Օլիմպիադայի դպրոցական և մարզային փուլերն անցկացվում են երկու օրվա ընթացքում: Մրցաձևերի բաշխումը, ըստ օրերի, ընտրում է հանձնաժողովը¹:

8. Օլիմպիադայի դպրոցական և մարզային փուլերը ընդգրկում են թեստային առաջադրանք և վեց մրցաձև².

8.1. Թեստային առաջադրանք

Թեստային առաջադրանքի համար տրվում է 90 րոպե ժամանակ:

Գնահատումը կատարվում է 20 միավորային համակարգով:

Բոլոր առաջադրանքներն ունեն մեկ ճիշտ պատասխան:

Յուրաքանչյուր ճիշտ պատասխան գնահատվում է 1 (մեկ) միավոր:

8.2. Կրակային պատրաստություն (հրաձգություն օդամղիչ հրացանից)

Հրաձգությունը կատարվում է 7 մետր հեռավորությունից կանգնած դրությունից (հենարանին հենված դիրքից): Թիրախ N° 7:

Կատարվում է 2 փորձնական և 3 ստուգիչ կրակոց:

8.3. Ինքնաձիգի ոչ լրիվ քանդում-հավաքում

Վարժության կատարման հերթականությունը՝ քանդել և հանել պահեստատուփը, լիցքավորել ինքնաձիգը փողը դեպի վեր 45°, կատարել ստուգիչ կրակոց, հանել շամփուրը, հանել պատկանելիքը, հանել փողատուփի կափարիչը, հանել հետադարձ մեխանիզմը, հանել փակադակի շրջանակը, փակադակի շրջանակից անջատել փակադակը, բացել փողի պահպանակը, հանել զազային խողովակը: Հավաքել հակառակ հերթականությամբ:

Առաջադրանքի կատարման հերթականության խախտման դեպքում մրցավարի կողմից արձանագրվում և նշվում է կատարած խախտումը: Յուրաքանչյուր խախտման համար հիմնական ժամանակին ավելացվում է տուգանային 5 (հինգ) վայրկյան:

¹ Օլիմպիադայի անցկացման 1-ին օրը առաջին հերթին անցկացվում են թեստային առաջադրանքները և մի քանի մրցաձևեր, իսկ մյուս մրցաձևերն անցկացվում են հաջորդ օրը:

² ՆԶՊ օլիմպիադայի դպրոցական և մարզային փուլերի համար նախատեսվում են՝ 1.«Թեստային առաջադրանք», 2.«Հրաձգություն օդամղիչ հրացանից», 3.«Ինքնաձիգի ոչ լրիվ քանդում և հավաքում», 4.«Ձգումներ պտտաձողից և հրումներ պտտկած դրությունից», 5.«Կրոսավազք», 6.«Ռազմական տեղագրություն», իսկ հանրապետական փուլի համար օլիմպիադայի դպրոցական և մարզային փուլերի բոլոր մրցաձևերի հետ միասին նախատեսված են 7.«Շարային պատրաստություն» և 8.«Նռնակի նետում» մրցաձևերը:

8.4. Ձգումներ պատաձողից և հրումնում պառկած դրությունից

– Ձգում պատաձողից (կատարում են տղաները)

Տղաները վարժությունը կատարում են կախ դրությունից, ձեռքերի բռնվածքը՝ ավերը դուրս, ոտքերի թաթերը ձգված վիճակում: Վարժությունը համարվում է կատարված միայն այն դեպքում, երբ վերձգման ժամանակ մասնակցի ծնոտը հավասարվում է պատաձողին: Մասնակցում են տղաները

– Հրումներ՝ պառկած դիրքից (կատարում են աղջիկները)

Աղջիկները վարժությունը կատարում են հատակից 30 սմ բարձրության հենարանին հենված, ձեռքերը զատած, ոտքերը միասին: Վարժությունը համարվում է կատարված միայն այն դեպքում, երբ ձեռքերը ամբողջությամբ ծալված և բացված են լինում:

8.5. Կրոսավազք

(1000 մ): Մրցումն անցկացվում է՝ համաձայն աթլետիկայի կանոնակարգի: Մասնակցում են տղաները:

(500 մ): Մրցումն անցկացվում է՝ համաձայն աթլետիկայի կանոնակարգի: Մասնակցում են աղջիկները:

8.6. Ռազմական տեղագրություն (հորիզոնի կողմերի որոշումը առանց քարտեզի)³:

1. Կողմնորոշում Արևոլ և Ժամացույցով (գտնում է հորիզոնի հարավային կողմը և շարժվում է հուշաթերթիկում⁴ նշված ուղղությամբ, հասնում է նախատեսված վայրը):

2. Կողմնորոշվել Բևեռային Աստղով (գտնում է Բևեռային աստղը, որոշում է հորիզոնի կողմերը և շարժվում է հուշաթերթիկում տրված ուղղությամբ և հասնում է նախատեսված վայրը):

3. Կողմնորոշվել կողմնացույցով (գործարկում է Ադրիանովի կողմնացույցը որոշում է հյուսիսը, որոշում է հուշաթերթիկում տրված՝ դեպի կողմնորոշիչը տանող ուղղությունը, շարժվում է այդ ուղղությամբ և հասնում է նախատեսված վայրը):

Գնահատումը կատարվում է՝ համաձայն ստորև բերված գնահատման աղյուսակի.

№	Գնահատվող գործողությունը	Գնահատում	
1	Կողմնացույցը գործարկելը ⁵	1	5
	Տրված ուղղության որոշելը	2	
	Տրված ուղղությամբ նախատեսված վայր հասնելը	2	
2.	Ժամացույցի սլաքը տեղադրում է դեպի Արեգակը ⁶	1	5
	Մտովի կիսվող անկյունը բնորելը	2	
	Տրված ուղղության որոշելը և նախատեսված վայր հասնելը	2	
3.	«Մեծ Արջ» համաստեղությունը գտնելը	2	5
	«Բևեռային աստղ» գտնելը	2	
	Տրված ուղղությունը որոշելը և նախատեսված վայր հասնելը	1	

Ուշադրություն:

1. Թեստային առաջադրանքների պատասխանների թերթիկները և մրցաձևերի արդյունքները հանձնաժողովի կողմից լրացվում է ուղեցույցին կից ներկայացված ամփոփագրում (EXCEL-ի ֆայլում) և մինչև ս.թ. **դեկտեմբերի 2-ը** էլիմստի օգնությամբ ուղարկվում է մարզպետարանի (Երևանի քաղաքապետարանի) կրթության բաժին:
2. Մարզպետարանի (Երևանի քաղաքապետարանի) կրթության բաժնից ամփոփագրի ամբողջական տեղեկությունը փոխանցվում է **info@olymp.am** էլիմստին մինչև ս. թ. **դեկտեմբերի 5-ը**:

³Բևեռային աստղով, Արևոլ և Ժամացույցով կողմնորոշումները անց են կացվում եղանակային բարենպաստ պայմանների առկայության դեպքում:

⁴ Հուշաթերթիկը պատրաստում է տվյալ փուլի հանձնաժողովը, որի մեջ նշվում է շարժման ուղղությունը (հյուսիս, հարավ, արևելք, արևմուտք, հարավ-արևմուտք և այլն):

⁵Արգելակից հանելը և հյուսիսային ուղղությունը որոշելը:

⁶Ընտրում է Արեգակի հետ համընկնող սլաքը: